

**MINISTARSTVO ZDRAVSTVA
ZENIČKO-DOBOJSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13), člana 64. stav 5. alineja 3. i stav 8. Zakona o zdravstvenoj zaštiti („Sl. novine FBiH“, broj: 46/10 i 75/13), člana 7. i 8. Odluke o standardima, kriterijima, uslovima i postupku imenovanja u regulirane organe općine Doboj Jug („Sl. glasnik Općine Doboj Jug“, broj: 3/19) i člana 37. Statuta Javne ustanove „Poliklinika sa dnevnim bolnicom“ Doboj Jug, broj: 11-UO/2012 od 12.10.2012. godine, Ministarstvo zdravstva Zeničko-dobojskog kantona objavljuje

JAVNI OGLAS

**za izbor i imenovanje kandidata na poziciju člana Upravnog odbora Javne ustanove „Poliklinika sa dnevnim bolnicom“ Doboj Jug, predstavnika
Ministarstva zdravstva Zeničko-dobojskog kantona**

Objavljuje se Javni oglas za izbor i imenovanje kandidata na poziciju člana Upravnog odbora Javne ustanove „Poliklinika sa dnevnim bolnicom“ Doboj Jug, predstavnika Ministarstva zdravstva Zeničko-dobojskog kantona.

Opis pozicije

Djelokrug rada Upravnog odbora propisan je članom 65. Zakona o zdravstvenoj zaštiti („Sl. novine FBiH“, broj: 46/10 i 75/13) i članom 38. Statuta Javne ustanove „Poliklinika sa dnevnim bolnicom“ Doboj Jug, broj: 11-UO/2012 od 12.10.2012. godine.

Upravni odbor donosi statut, imenuje i razrješava direktora, odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada i plan javnih nabavki, donosi finansijski plan i usvaja periodični i godišnji obračun, donosi opće akte o unutrašnjem uređenju i sistematizaciji poslova i druge opće akte u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog statutom zdravstvene ustanove, odgovara osnivaču za rezultate rada zdravstvene ustanove, odlučuje u drugom stepenu o prigovoru zaposlenika na rješenje direktora kojim je odlučeno o pravima i obavezama i odgovornostima iz radnog odnosa, podnosi osnivaču najmanje jedanput godišnje izvještaj o poslovanju zdravstvene ustanove i vrši druge poslove u skladu sa zakonom, statutom i odlukom osnivača.

Imenovanje kandidata na poziciju člana Upravnog odbora Javne ustanove „Poliklinika sa dnevnim bolnicom“ Doboj Jug, predstavnika Ministarstva zdravstva Zeničko-dobojskog kantona, vrši Općinsko vijeće Doboj Jug, na prijedlog Ministarstva zdravstva Zeničko-dobojskog kantona.

Mandat imenovanog člana Upravnog odbora Javne ustanove "Poliklinika sa dnevnom bolnicom" Doboj Jug, predstavnika Ministarstva zdravstva Zeničko-dobojskog kantona, traje 4 (četiri) godine i može biti ponovo imenovan, ali ne više od dva mandata uzastopno.

Član Upravnog odbora Javne ustanove "Poliklinika sa dnevnom bolnicom" Doboj Jug, predstavnik Ministarstva zdravstva Zeničko-dobojskog kantona, ima pravo na naknadu u skladu sa odlukom Općinskog vijeća Doboj Jug, koja se isplaćuje iz sredstava zdravstvene ustanove.

Kandidati za izbor i imenovanje na poziciju člana Upravnog odbora "Poliklinika sa dnevnom bolnicom" Doboj Jug, predstavnika Ministarstva zdravstva Zeničko-dobojskog kantona, moraju ispunjavati opće i posebne uvjete.

Opći uvjeti za imenovanje

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
4. da se na kandidata ne odnosi član IX. 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik odnosno da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08)
7. da nema privatni ili finansijski interes u instituciji u kojoj se kandiduje,
8. da u posljednjih pet godina nije osuđivan za krivično djelo nespojivo sa imenovanjem na poziciju na koju se kandiduje
9. da mu nije izrečena zaštitna mjera zabrane obavljanja aktivnosti na poziciju na koju se kandiduje.

Posebni uvjeti za imenovanje

1. VSS VII stepen stručne spreme, završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 240 ECTS bodova) zdravstvenog, tehničkog, ekonomskog, pravnog ili nekog drugog društvenog smjera,
2. najmanje 3 godina radnog iskustva u struci nakon sticanja zvanja,
3. da nije član nadzornog ili upravnog odbora, odnosno odbora za reviziju nekog privrednog društva ili institucije,
4. komunikacijske i organizatorske sposobnosti,
5. sposobnost tumačenja propisa iz oblasti za koju je regulirani organ osnovan,
6. sposobnost upravljanja finansijskim i ljudskim resursima, kao i sklonost timskom radu.

Potrebni dokumenti

Prijave kandidata na oglas treba da sadrže: kraću biografiju, adresu i kontakt telefon. Uz prijavu je potrebno dostaviti originalne dokumente ili ovjerene kopije dokumenata kao dokaz o ispunjavanju općih i posebnih uvjeta i to:

1. uvjerenje o državljanstvu ili ličnu kartu (CIPS),
2. diploma,
3. uvjerenje o radnom iskustvu na poslovima svoje stručne spreme,
4. potpisane i ovjerene izjave od strane nadležnog organa iz tačke 3. 4. 5. 6. 7. Općih uvjeta za imenovanje i tačke 3. Posebnih uvjeta za imenovanje,
5. uvjerenje nadležnog suda da kandidat nije lice kojem je pravosnažnom presudom suda zabranjeno obavljanje aktivnosti u reguliranom organu u koji se kandiduje.

Dokaz da kandidat u posljednjih pet godina nije osuđivan za krivično djelo, nespojivo sa imenovanjem na poziciju u Upravni odbor Javne ustanove "Poliklinika sa dnevnom bolnicom" Doboj Jug, Ministarstvo će pribaviti po službenoj dužnosti od nadležnog organa unutrašnjih poslova, za kandidate koji uđu u uži izbor.

Sa kandidatima koji uđu u uži izbor Komisija će obaviti intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o njihovom dosadašnjem radu i dužni su popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Općinskom vijeću Doboj Jug, u roku od sedam (7) dana od dana imenovanja, a kopija se dostavlja Ombudsmenu za ljudska prava BiH.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu Zeničko-dobojski kanton – Ministarstvo zdravstva, Kučukovići 2, 72000 Zenica, sa naznakom: **„ZA IMENOVANJE NA POZICIJU ČLANA UPRAVNOG ODBORA JAVNE USTANOVE „POLIKLINIKA SA DNEVNOM BOLNICOM“ DOBOJ JUG, PREDSTAVNIKA MINISTARSTVA ZDRAVSTVA ZENIČKO-DOBOJSKOG KANTONA – NE OTVARATI“.**

Oglas ostaje otvoren 14 dana od dana njegovog posljednjeg objavljivanja, a isti će biti objavljen u „Službenim novinama Federacije Bosne i Hercegovine“ i u dnevnom listu „Dnevni avaz“.

Neblagovremene i nepotpune prijave neće se razmatrati.